



In dumènia ai 23 de Otober é gnü sughé la otava partida dl campionat 2011/2012 de 3° categoria por La Val. La partida é gnüda sugada fora de cíasia contra la squadra da Prettau. Na squadra che é gnüda metüda sò nòia chësc ann y porchël ria da calculè. Mo sciöche an á bel udü tles ultimes partidas, ne é degüna squadra che scinca punti saurisc.

Dô dales ultimes partidas, ulache La Val á coiü adüm püc punç, savô bel i sogadusc dan la partida, che chëstes ultimes 4 partidas dl andata mëssl gní fat punç por avèi ciamò speranzas por i prüms posc. Insciö era ince stada!!!! Ince sce La Val ne á nia mustré en bel jüch essi stá bugn da portè a cíasia trèi punç.

Dô la buna prestaziun dl ritorno de Copa Provinzia contra Gais, é jüs i sogadusc cun na buna convinziun te campo. Mo sciöche bel sté de deplü partidas, bel dô da püc menüc é l'arbitèr che scinca en rigora ai avversars. En atacant se porta tl piz dla gran area, Alex ti rōia ados, al tira naota demez le pal al atacant y spo cun na spallata sciürel jö le atacant. Le arbitèr fischia atira rigore. Insciö se porta Prettau sön le 1 a 0. Mo La Val ne la dá nia sò. Insciö ti garetel en bel gol a Ivan Tschaffert, che á sughé sön la fascia te chësta partida. Sön na bela poniziun rōia le pal sön le palo lunch. Ivan rōia adalerch in velocitè y cun en bel colp de cé sön le prüm palo ne ti lascel degüna oportunitè al portier. Insciö nascel le pareggio dô da püc menüc.

La Val prô da impostè la partida, mo al mancia la prezijiun tl prüm tēmp. An vèiga che i sogadusc se stēnta en pü da mëter jö le pal y en grüm de pai vègn suga mal o alc. Mo spo é l'impo La Val che vá in vantaje. En eurogol de Daniel Frenes. Al ciafa en bel pal da en centrocampist, udon che le portier é en pü massa infora, ne pēnsel nia sura dui iadi y tira te porta. Cun en bel tiro dēr da lunç é l'insciö bun da scavalché le portier y le pal rōia bel avisa sot la traversa ite. En gran gol de Daniel.

Mo denant che le prüm tēmp se stlūsc jō, sōn l'unica dijazenziun di defensursc, se ciafa La Val cíamò le pareggio. Sōn na rimesa jō dal angolo rōia la pala cun dui pasaggi ite a mesa l'area. Le atacant dl Prettau é bun da defēne la pala, se oje y spo tra te porta. Sepl ne á degūna chance da abiné le pal. Le prüm tēmp se stlūsc jō sōn le 2 a 2. Dō le prüm tēmp él gnū cambié fora Freddy, por en problem a en edl.

Tl secundo tēmp sūga La Val indō damí y insciō ti garetel cíamò dui goi. Le 3 a 2 toma sōn en rigore. Ivan se acentrēia ite te area, le portier vëgn fora y le sciūra jō portera, en rigore netiscimo che por fortūna le arbiter vëiga. Ivan se prejentēia sōn le rigore y spiazēia le portier. Insciō fejel na bela dopietta Ivan. Le Prettau ne é mai stè plū prigorusc tl secundo tēmp, La Val á la partida tles mans. Le ultimo gol fesc spo Florian. Sōn en bel passaggio de Franzi ciafel le pal, cun en bel tiro al volo de esterno mētl le pal sōn le palo lunch, ulache le portier da Prettau ne pó nia ruvé. Ivan á ince cíamò la pala por só terzo gol. En bel cros de Micky rōia bel al limite dla picera area, ulache Ivan é bel sú, mo so colp de cé rōia depūch sura traversa fora. Sottara Stefan rōia ince depūch nia al gol, cun dui de bí tiri dal limite che rōia depūch dlungia le palo ia.

La partida se stlūsc jō sōn le 4 a 2 por La Val.

Cun chisc trēi puné davagná se porta La Val al 6° post te tlassifica.

La formaziun titolara: Kantioler Sepl, Castlunger Marco, Alton Alex, Tavella Jordan, Valentin Elmar, Frenes Daniel, Sottara Freddy, Sottara Stefan, Rubatscher Romeo, Tschaffert Ivan y Rubatscher Florian.

Sostituziuns:

Elzenbaumer Alex por Sottara Freddy

Verginer Franzì por Frenes Daniel

Frenes Micky por Tschaffert Ivan

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)